



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-1-40-044-3/23**

Datum: 08.05.2023. godine

"Agencija za vodno područje rijeke Save" Sarajevo rješavajući po zahtjevu pravnog lica „DŽISRIKEBIR“ Ugostiteljska radnja u naselju Kulen Vakuf, grad Bihać, za izdavanje prethodne vodne saglasnosti za postavljanje privremenog objekta – terase, u vodnom dobru rijeke Une u naselju Kulen Vakuf Grad Bihać, na osnovu člana 142. stav (1) i člana 218. Zakona o upravnom postupku ("Službene novine Federacije BiH", broj 2/98, 48/99 i 61/22) d o n o s i

ZAKLJUČAK

1. Prekida se postupak pokrenut po zahtjevu pravnog lica „DŽISRIKEBIR“ UR Bihać, za donošenje Rješenja o prethodnoj vodnoj saglasnosti za postavljanje privremenog objekta – terase u vodnom dobru rijeke Une u naselju Kulen Vakuf, Grad Bihać.
2. Prekid postupka trajat će dok se ne riješi prethodno pitanje, sklapanje ugovora o ograničenom pravu korištenja javnog vodnog dobra rijeke Une, odnosno dok se ne izmjeni ili ukine postojeća odluka visokog predstavnika u BiH o zabrani raspolaganja državnom imovinom.

Obrazloženje

Pravno lice „DŽISRIKEBIR“ UR Bihać je dana 08.02.2023. godine podnijelo zahtjev za izdavanje prethodne vodne saglasnosti za postavljanje privremenog objekta demontažne terase u vodnom dobru rijeke Une u naselju Kulen Vakuf ispred ugostiteljskog objekta u cilju pružanja ugostiteljskih usluga. U provedenom postupku dostavljena je i pregledana sljedeća dokumentacija:

- Uplatnica upravne pristojbe;
- Punomoć o zastupanju podnosioca zahtjeva izdata na ime Advokata Kurbegović Amira ul. Bedem bb Bihać dana 16.01.2021. godine;
- Ovjerena kopija Rješenja kojim se odobrava Dizdarić (Mehmeda) Džaferu iz Bihaća osnivanje i vođenje UR „Džisrikebir“ na lokaciji u ul. Ljutočkih gazija br. 2. Kulen Vakuf grad Bihać, izdato od strane Grada Bihaća pod brojem: 05/3-18-3345/21 dana 06.01.2022. godine;
- Ovjerena kopija Uvjerenja o registraciji poreznog obveznika, izdanog od strane Federalnog ministarstva finansija, Porezne uprave Federacije BiH, Kantonalnog poreznog ureda BIHAĆ, dana 21.01.2022. godine;
- Studija za izdavanje prethodne vodne saglasnosti za postojeći ugostiteljski objekat u Kulen Vakufu, grad Bihać za postavljanje privremenog objekta – montažne terase u vodnom dobru rijeke Une, izrađena od strane „Euroing“ doo Bihać pod brojem SPVS 10-12/22 od decembra 2022. godine;
- Kopije, Posjedovni list broj 654, 113 i 174 K.O. Kulen Vakuf grad Bihać;
- Geodetski snimak geometra gradske uprave grada Bihaća za lokalitet postavljanja privremenog objekta montažne terase u vodnom dobru rijeke Une oznažene kao k.č. 1488 K.O. Kulen Vakuf od 29.01.2023. godine;
- Konstatacija o identifikaciji izrađena od geometra gradske uprave grada Bihaća za parcelu označenu kao k.č. 1488 – vodno dobro rijeka Una;
- Službena zabilješka o produženju roka za dostavu ugovora o ograničenom korištenju javnog vodnog dobra rijeke Une između AVP Sava i podnosioca zahtjeva: UP-1/21-1-40-044-2/23 od 09.03.2023. godine;

Po utvrđivanju činjenica odlučujućih u konkretnom slučaju, ovaj organ je zaključio da i pored korektne komunikacije sa predstavnikom pravnog lica podnosioca zahtjeva, nije izvršena dopuna podneska kako je traženo zbog neriješenog prethodnog pitanja sa nadležnom institucijom u vezi sa sklapanjem ugovora o ograničenom pravu korištenja javnog vodnog dobra rijeke Une. Obzirom da se predmetne parcele na kojima se planira postavljanje privremenog objekta terase, vodi kao javno dobro - rijeka Una, udio 1/1, u ovom trenutku nije moguće riješiti pitanje vlasničkih pitanja obzirom na činjenicu da je Visoki predstavnik u BiH, Christian Schmidt donio Odluku (akt broj: 01/22) kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine ("Službeni glasnik Bosne i Hercegovine" broj: 18/05, 29/06, 85/06, 32/07, 41/07, 74/07, 99/07 i 58/08), kojom se zabranjuje raspolaganje državnom imovinom (u šta spada i javno vodno dobro, tj. društvena svojina vode) do stupanja na snagu zakona na državnoj razini kojim se uređuju prava vlasništva i upravljanja državnom imovinom, a koji bi usvojila Parlamentarna skupština Bosne i Hercegovine, odnosno sve dok Visoki predstavnik u BiH ne odluči drugačije. Zbog donesene odluke visokog predstavnika o zabrani raspolaganja državnom imovinom, u ovom trenutku nije moguće provesti postupak sklapanja ugovora o ograničenom pravu korištenje predmetnih zemljišnih čestica, pa se postupak prekida do izmjene gore navedenog Zakona.


Agencija za vodno područje rijeke Save, Sarajevo u skladu sa članom 142. stav 1. i članom 218. Zakona o upravnom postupku («Službene novine Federacije BiH», br.:2/98, 48/99), prekida dalji postupak do rješavanja prethodnog pitanja tj. sklapanja ugovora o ograničenom pravu korištenja javnog vodnog dobra u skladu sa Zakonskim propisima.

Na osnovu navedenog, a u skladu sa članom 142. stav 1. Zakona o upravnom postupku riješeno kao u dispozitivu ovog zaključka.

UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obrađivač akta:
Fuad Mujagić, dipl. inž.

Po ovlaštenju
Rukovodilac sektora za zdavanje vodnih akata

Haris Ališehović, dipl.inž.građ.

Dostaviti:

- „DŽISRIKEBIR“ UR Bihać, Ljutočkih gazija br. 2. Kulen Vakuf, 77000 - BIHAĆ,
- Org. jed. 40 - Arhiva
- Oglasna ploča AVP Sava
- Spis